

Dr. M bincang isu2 ekonomi dengan Hayden

KUALA LUMPUR, Khamis

TIMBALAN Perdana Menteri, Datuk Seri Dr. Mahathir Mohamad, membincangkan isu-isu ekonomi dan perdagangan dengan ketua parti pembangkang Australia, Encik William George Hayden, di Kementerian Perdagangan dan Perindustrian di sini, petang ini.

Sesudah perbincangan itu, Datuk Seri Dr. Mahathir yang juga

Menteri Perdagangan dan Perindustrian memberitahu pemberita, Encik Hayden ingin mengetahui pandangan ASEAN terhadap aktiviti ekonomi Jepun di rantau ini, ramalan Malaysia mengenai perkembangan ekonomi dunia keseluruhannya dan juga perkembangan perindustrian di negara ini.

Di samping itu, Encik

Hayden pula menjelaskan pendirian Australia mengenai penggunaan buruh yang banyak untuk perindustrian negeranya. Sasar perlindungan serta ura-ura pihak partinya mewujudkan program pembangunan lima tahun seperti di Malaysia sekiranya berjaya memegang teraju pemerintahan Australia

kelak. Encik Hayden juga bertanyakan jumlah pelaburan Australia di Malaysia dan prospek perkembangan perindustrian di masa akan datang.

Dalam konteks ini Datuk Seri Dr. Mahathir memberitahu Encik Hayden, hasil dari seminar galakan pelaburan diketuai oleh Timbalan Menteri Perdagangan dan Perindustrian, Datuk Lew Sip Hon, ke Australia baru-baru ini. Beberapa pelabur negara tersebut telah berjanji akan menanam modal kira-kira \$200 juta di Malaysia dalam beberapa tahun akan datang.

Encik Hayden yang dalam rangka lawatan tiga hari ke negara ini menemui Perdana Menteri, Datuk Hussein Onn, pagi tadi dan Menteri Luar, Tengku Ahmad Rithauddeen, tengahari.

Esok beliau akan berehat di Bukit Fraser.



■ PERDANA Menteri Datuk Hussein Onn (kanan) bersalam mesra dengan ketua parti pembangkang Australia, Encik William George Hayden, yang mengurungi beliau di Jabatan Perdana Menteri, Kuala Lumpur, pagi semalam. — Gambar Berita Harian.

Bahan asal dari Arkib
Negara Malaysia

No. Siri 11,382
No. Penerbitan 3195/87